

**2 FITXA: Keinuz esan, eta hobeto entzungo da**

Gaia	Helburu zehatzak	Denbora	Jarduera mota
<b>Beldur Barik eta irudimenarekin</b>	<p>1. Neska-mutilek <i>Berdur Barik</i> abestiaren edukiak <b>ezagutzea</b> proposatutako ariketen bidez.</p> <p>2. Partehartzaileak konturatzea eduki argiko kanpaina batek sor dezakeen <b>mobilizazioaz</b>.</p>	<p>Gutxienez: ordu 1 eta 30 minutu.</p> <p>Gehienez: 2 ordu.</p>	-Bakarkako eta talde txikietako lana abestia aztertzeko
Xede-taldea	Landu beharreko oinarrizko kontzeptuak	Beharrak	
<p>15 eta 19 urte bitarteko neska-mutilentzat.</p> <p>20 eta 25 urte bitarteko neska-mutilentzat</p> <p>Taldeentzako materiala berdina izango da, baina bi aldaera daude, adinaren arabera.</p>	<p>- <b>Erasoa</b> jasateko arrisku faktorea emakume izatea da. Edozein adin, maila ekonomiko, ikasketa, nazionalitate, kanpoko itxura...duena</p> <p>- Erasoa <b>eragiteko</b> arrisku faktorea gizona izatea da. Edozein adin, maila ekonomiko, ikasketa, nazionalitate, kanpoko itxura...duena, pentsatzen baitute gizonak izatearren autoritate izateko eta emakumeen jokamoldea erabakitzeko eskubidea dutela, eta euren arauekin bat ez datozenean, zigortu egiten dituzte.</p>	<ul style="list-style-type: none"> <li>- <i>Beldur Barik</i> abestiaren bideoa</li> <li>- Lan Fitxa</li> </ul>	

## Prozedura

- Abestiaren errepika entzun eta galdetuko zaie ea ezagutzen duten. Eutsi eta Beldur Barik abestiari buruzko azalpen laburra egingo zaie.
- Ondoren, abestiaren bideoa ikusiko da, eta hitzak eta esaldiak datozen fitxak banatuko zaizkie (oraindik ez dugu abesti osoaren hitzak banatuko). Fitxa dutenei eskatuko zaie fitxetan dauden hitzak azaltzeko, baina keinuz. Gainerakoek asmatu egin beharko dituzte.
- *Urkatuaren jokoa* ere erabil daiteke, dena delako hitza asmatzea zaila denean.
- Ariketa amaitu ostean, abestiaren hitzak emango zaizkie bakarka irakurtzeko. Jarraian, eta binaka, abestiaren mezua esaldi baten *laburtu* beharko dute. Esaldi horiek eztabaidatu eta egokienak aukeratuko dira.
- *Beldur Barik* abestiaren making off-a erakutsiko da, ikus dezaten zer nolako mobilizazioa sortu zuen bideoa grabatzeak.
- Ariketa amaitzeko, esaldia (edo esaldiak) kartel edo pankarta baten idatz dezakete, gelan, pasilloan, edo kaletik ikusgai egon daitekeen nonbait jar dezakete (azaroaren 25aren inguruan eginez gero). Apaintzeko edo laguntzeko, Puntu Lilak margotu ditzakete (ikus Puntu Lilaren erabilerari buruzko unitate didaktikoak). Bestelako erak ere badituzte emakumeenganako indarkeriaren aurka daudela adierazteko: bertsoak, marrazkiak, argazkiak...

## Aldaerak

### 1 ALDAERA:

**15-19 urtekoentzat**, fitxen edukiak keinuz adierazi beharrean, marrazkiak egin ditzakete arbelean, baina ezin izango dute hitz egin, ezta keinuak egin edo letrak edo zenbakiak idatzi ere.

## **2 ALDAERA:**

**19-25 urtekoentzako,** Abestia landu ondoren, erabiliko dugun dinamikak tratu txarrak jasandako emakumeen eta tratu txarrak eragiten dituzten gizonen mitoak ezabatzea du helburu. Lortu nahi duguna da konturatzea denok jasan dezakegula arazoa, denok bizi dezakegula tratu txarren egoeraren bat. Hori dela eta, kontuan izan behar ditugu gure bikote harremanetako elementuak, gure jokamoldeak, etab... Ikasleei eskatuko zaie, binaka jarri eta tratu txarrak jasandako emakumearen eta tratu txarrak eragiten dituen gizonaren profila egiteko. Horretarako, 10 minutu izango dituzte. Jarraian, gainerako guztiekin egindako profila komentatuko dute. Bikote guztiek profilen berri eman ondoren, dinamizatzaileak bat datozen eta aurka dauden ekarpenak azpimarratuko ditu.

Orduan, tratu txarrak eragiten dituen gizonaren eta tratu txarrak jasandako emakumearen profilen koadroak banatuko zaizkie, eta galdetu egingo zaie, informazio horren arabera, zein emakume motak jasan ditzakeen tratu txarrak bikotekidearengandik eta zein gizon motak eragin diezaizkiokeen tratu txarrak bikotekideari. Argi dago edozein egon daitekeela arriskuan, eta tratu txarrak jasandako emakumeei eta tratu txarrak eragiten dituzten gizonei buruzko ideia faltsu ugari ditugula, tartean, soilik helduen artean gertatzen dela: indarkeria matxista gazteen artean ere ematen da.